

Harian Metro
22 February 2017

Perlindungan **RM300,000**

■ **Skim takaful bagi jemaah umrah, haji beri kelebihan termasuk biaya kos rawatan**

Muhammad Saufi Hassan
saufi@hmetro.com.my

Kuala Lumpur

Jumlah perlindungan disediakan sehingga RM300,000 untuk jemaah umrah dan haji bagi menghadapi sebarang kemungkinan ketika menuaikan ibadat berkenaan termasuk kos pembiayaan rawatan.

Itu skim perlindungan takaful baru bagi jemaah yang menunaikan ibadat haji serta umrah hasil kerjasama Bank Persatuan Malaysia Berhad (Co-opbank Persatuan) dengan Sun Life Malaysia Takaful Bhd.

Pengerusi Co-opbank Persatuan Datuk Yusra Sabar berkata, skim takaful itu menawarkan pelan perlindungan bermula

RM125 dengan jumlah perlindungan sehingga RM300,000.

"Skim takaful yang dilaksanakan ini sudah mendapat kelulusan Suruhanjaya Koperasi Malaysia (SKM) dan ini juga antara kaedah per-satuan untuk mengembangkan produk serta perkhidmatan.

"Jemaah yang mengambil pelan takaful ini mendapat kelebihan iaitu daripada aspek nilai perlindungan takaful yang diambil," katanya kepada pemberita, di sini, semalam.

Pada masa sama, Co-opbank Persatuan

memperkenalkan pelan takaful itu kepada jemaah haji dan umrah dengan kerjasama Sun Life Malaysia Takaful Bhd.

Pelancaran skim takaful itu dirasmikan Timbalan Menteri Perdagangan Dalam Negeri, Koperasi dan Kepenggu-naan, Datuk Henry Sum Agong. Sementara itu,

Henry dalam ucapannya memaklumkan bahawa kolaborasi serta sokongan syarikat besar terhadap gerakan koperasi adalah tindakan yang sangat bijak dalam menjana ekonomi.

Menurutnya, pembabitan Co-opbank Persatuan harus sentiasa agresif dan memastikan perubahan transformasi dapat dilihat dengan jelas.

FAKTA
Skim takaful yang dilaksanakan mendapat kelulusan SKM